

中國方志叢書·華中地方·第七八二號

據

清·謝旻等修，陶成等纂
清雍正十年刊本

影印

江西省

江西通志

四

成文出版社有限公司印行

江西通志卷第六十二

名宦六

撫州府

晉

庾懌字叔預少以通簡為元亮所稱以討蘇峻功封廣陽男

出補臨川太守懌寬厚容衆時人稱其才器晉書

按林志撫州名宦有吳臨川太守朱然考三國志吳書

權分丹楊為臨川郡然為太守裴注云此郡尋罷非今

臨川郡是然固嘗官臨川太守但非今臨川裴注甚明

舊志俱譌也又明一統志王羲之為臨川內史而前志

據晉書本傳不載亦以為譌按中興書曰羲之自會稽

王友改授臨川太守故世說王修齡稱羲之為我家臨

江西通志

卷六十二 名宦

川今撫州多羲之遺蹟中興書在晉書之前宜有據本

傳失載耳職官志云諸王國以內史掌太守之任簡文

子臨川獻王郁係追封在羲之後故未為藩封稱臨川

太守既建國後遂稱內史也今羲之已載統轄故不重

列云

周鎮字康時尉氏人清約寡欲所在有異績罷臨川郡還都

泊清溪渚王丞相往看之暴雨猝至舫至狹小殆無復坐

處導曰胡威之清何以過此即起為吳興郡世說新語

宋

荀伯子頴川人好學博覽為尚書右丞出補臨川內史王宏

稱其沉重不華有平陽侯之風元嘉中卒文集傳世宋書

按通志稱伯子在郡時作臨川記六卷唐宋諸書皆稱

引之今其書不傳

謝靈運陽夏人少好學博覽羣書文章之美江左莫逮宋祖

登祚徵為祕書監以疾免官性好遊覽為孟顛所奏太祖

知其見誣遷為臨川內史賜秩中二千石在郡遊放不異

永嘉銅陵石磴靈谷墨池皆其遺跡弟惠宣亦為臨川內

史同上

齊

何昌寓字儼望廬江人永明元年以太子中庶子出為臨川

內史不雜交遊通和汎愛歷郡皆清白士君子多稱之南齊書

按林志載孔琇之永明末任臨川太守考本傳乃臨海

非臨川也原跋

江西通志

卷六十二 名宦

梁

到合字曼公彭城人清警有才學天監十二年為臨川內史

在郡稱職昭明太子與晉安王書曰到子風神開爽文義

可觀當官莅事介然無私誠海內之俊又東序之祕寶太

通元年卒文集行於世梁書

殷鈞字季和長平人天監中出為臨川內史鈞體羸多疾閉

閣卧治而百姓化其德劫盜皆奔出境嘗擒劫帥不加拷

掠但和言誚責劫帥稽顙乞改過即命遣之卒為善人郡

舊多瘡更暑必動自鈞在位郡境無復瘡疾同上

陳

駱牙臨川內史發姦擿伏如鑑照物誘執周迪民賴以安明

一統志

按陳書駱牙傳牙字旗門臨安人世祖避地臨安牙母

親世祖儀表知非常人賓待甚厚世祖引牙為將以平

周迪功遷冠軍將軍臨川內史原跋

蕭摩訶巴山郡守撫字有方律已無私上敬下懷以平留異

歐陽頲有功朝廷褒之同上

按陳書摩訶字元允蘭陵人果毅有勇力年十三單騎

出戰軍中莫有當者

唐

周法猛武德五年為撫州刺史建述陂引渠溉田二百餘頃

民懷其德立祠祀之明一統志

按撫州府志稱譚襄敏作宜黃陂王廟碑載漢末有廖

國祥者開封人為撫州路判建陂事蹟與法猛相類但

江西通志卷六十二名宦

漢末無開封與撫州路之號判亦非漢官名未敢仍誤

張景倩開元二十九年為撫州刺史立身謹約為政清明後

守顏貞卿為書清德碑同上

王圓寶應間任撫州刺史以州治在赤岡非道路之會改建

於連樊汝水之間遷州城於香楠山形勝稱壯府志

顏真卿字清臣京兆萬年人開元進士大歷元年秦宰相元

載抑塞人言甚於李林甫楊國忠載怒因論祭器誣以誅

謫貶硤州未至改吉州三年移撫州修堽築陂以溉民田

民甚德之唐書

按府志稱公在州手書麻姑仙壇記宋慶元庚申仙都

觀火衆碑皆碎獨公記巋然又唐詩紀事載魯公為郡

時有士人楊志堅者嗜學而貧將遣其妻以詩送之曰

平生志業在琴詩頭上於今有二絲漁父尚知溪路時

山妻不信出身遲荆釵任意撩新鬢明鏡從教別畫眉

今日便同行路客相逢即是下山時顏公聞而厚禮之

自是郡無輕棄其夫者原跋

元子哲大歷五年令崇仁有惠澤民為立遺愛碑太守顏真

卿記之明一統志

按元子哲安志誤載入宋白志據一統志改正

戴叔倫字幼公金壇人德宗時曹王臯表授撫州刺史民歲

爭灌漑為作均水法俗便利之畊餉歲廣獄無繫囚期年

詔書褒美代還卒於道唐書

宋

劉世昌開寶五年始陞金谿場為縣世昌知縣事始建縣治

江西通志卷六十二名宦

均賦平役規畫有方林志

按舊志俱作淳化五年今依宋史改正

和蒙字顯仁開封人太平興國進士雍熙初知崇仁縣先是

蒙父疑嘗取古今史傳聽訟斷獄辨雪冤枉等事著為疑

獄集蒙因增益事類分為三卷表上之擢太子中允宋史

張方河北大名入咸平中知撫州重建孔子廟堂鐫碑記之

府志

王彬光州固始人年十八以貢入太學淳化進士以著作佐

郎通判筠州歷知撫州民李甲饒英恃財武斷鄉曲縣莫

能制彬按治之索其家得所藏兵械又得服器有龍鳳飾

甲坐棄市英配嶺南州里肅然同上

蘇舜臣字世佐楚邨人學士綸之子皇祐三年知撫州惠困

窮扶善類毀淫祀郡有號大帝祠者百餘所舜臣悉除之

錢暄字載陽錢唐人嘉祐中知撫州為政平允五世孫象祖

於淳熙十三年繼知撫州修郡學製祭器出帑賑貧民郡

人祀之 林志

謝卿材嘉祐四年知臨川築湖修陂民賴其利王荆公薦之

於朝 宋史河渠志

蘇緘字寔父臬州人嘉祐初知崇仁縣民喜爭田至數十年

不決緘斷以法木半載庭無留訟治寶唐堤後知邕州死

節贈節度使諡曰忠勇 宋史

謝詞字誠甫建寧人熙寧中臨川令重修千金陂里有閔誦

者好持吏短長三以事至庭治之不少貸人以人怒通誣

江西通志

卷六十二

名宦

五

其子為盜復辨出之人服其公 林志

孫實字若虛崇寧中知崇仁縣為政公廉官滿舟次鄱陽湖

風濤大作有螭仰首橫當舟前實祝曰汝雖物諒有知使

吾秋毫載出俸外盡室沉沒無憾言訖螭去浪平 同上

陳逢字彥默福建浦城人任撫州司戶參軍部使者交薦其

才改秩而卒楊龜山銘其墓云孝尊乎親學傳乎人政得

乎民嗟乎君未聞而終於幕賓百世而下有煥斯文 同上

葉謙亨字伯益青田人蚤有文譽紹興三年知崇仁獎勵學

校增益學產既去士民思之祠於學宮之傍 府志

鄧庚紹興三年知宜黃縣鋤強梗撫無告民咸德之有弓手

怙朋為姦斬首惡宥脅從由是無敢譁言於道者 同上

王昫紹興六年知臨川縣時虔化寇陷州境昫率民兵討平

之其在官去夙弊屏臧胥境內肅然李忠定綱帥洪時薦其能於朝 明一統志

張孝祥字安國歷陽烏江人紹興二十四年廷試第一知撫

州時年未三十莅事精敏老於州縣者所不及黠卒謀變

區處有方事聞孝宗嘉獎之 林志

張詠紹興中為崇仁丞剛果有為時邑西南鄉地遠多盜申

潛引置樂安縣盜賊遂息百姓以安 府志

林大中字和叔婺州人登紹興三十年第淳熙二年知金

縣以郡督稅急請寬其期不聽即納誥勅投劾而歸人

清修寡欲退然如不勝衣遇事則灑乎不可犯 宋史

趙普字贊之靜之宗室子敏慧力學乾道五年試禮部第一淳

熙二年知臨川縣嘗豫借民賦善警閱籍發逋負按籍

江西通志

卷六十二

名宦

六

征催卒免豫借 同上

黃幹字直卿閩縣人嘉定元年知臨川縣歲旱勸糶捕蝗極

其力改知新淦吏民習知臨川之政不令而政行 明一統志

志

按臨川縣志稱幹修學校葺公廨建朱子祠詳見黃義

明祠記

章勸寶慶二年知金谿縣正經界定版籍勞心盡瘁至紹定

二年事始竣宿弊一清國課有式 林志

黃炳紹定三年以萬安令知撫州築城濠掘置馬步二旗軍

及湖坪招攜寨善政甚多 同上

陳詠之紹定五年知金谿縣歲歉勸分減價者獎閉糶者罰

歲豐立平糶倉邑民賴之 明一統志

按林志又稱詠之建槐堂書院崇祀象山先生

趙時煥字元晦宗室子居閩之晉江淳祐八年知撫州時馬旗步旗軍甚悍時煥準省劄節制之迄去無敢譁者增置貢院修復文昌堰寶祐二年復以朝奉大夫來提舉常平以臨川新經量增山稅病民奏減其半宋史

徐霖字景說衢州西安人試禮部第一理宗喜得人淳祐十二年以宣教郎知撫州祠先賢寬租賦賑饑民誅悍將一月而政舉化行以言去民遮道不得行同上

徐君洪淳祐二年為金谿主簿邑有富人錮山澤之利數十年官莫能禁君洪至奪而公其利百姓感之金谿志

王中立淳祐間知金谿經理田賦履畝核稅以均貧富困槐堂合祀三陸先生增學田獎士類士論稱之同上

江西通志 卷六十二 名宦 七

趙希諲淳祐五年宰臨川聽斷嚴明催科不擾開慶元年知撫州平糶價誅惡民郡中肅然林志

家坤翁四川着山人景定三年知撫州約已剔蠹始立定規清積年深弊重纂圖經民稱頌之明一統志

按林志稱坤翁修大成殿增撥學租創壽安崇德諸橋安志誤作宗坤翁

繆元德咸淳五年知撫州儉以足用寬以愛民建和糴倉糴米活饑民捐俸收掩遺骸明年改吉州同上

黃震字東發慈谿人寶祐進士咸淳八年以朝奉郎知撫州時郡中饑震疾馳中道約富人者老集城中毋過某日至則大書閉糶者籍強糶者斬揭於市米價日損親煮粥食

饑者轉運司下州糶米七萬石震曰民生蹶矣豈宜重困

之以設官田三莊所入應之修復朱子祠樹晏元獻里門制祭社稷器復風雷祀勸種麥禁競渡皆善政也詔增秩遂陞提舉常平舊有結關拒逮捕事繫郡獄二十有八年存者十無三四以結關為作亂無敢決其獄震謂結關猶結甲非作亂比況已經數赦皆釋之宋史

按林志云有稱社倉法弊者震曰法在三代尤宜損益遂買田以代其息撫人德之考本傳此乃震通判廣德軍時事與撫無與原跋

孫懋字季敏為崇仁令政有條理一新學校常迎巴山藥侯禱雨而應謂侯名不可以名山乃更名相山以侯曾為沛相也為文記之崇仁志

江西通志 卷六十二 名宦 八

李有字仲方平陽人延祐中金谿縣尹有廉能聲譽書廉勤公悼怒五字於座右以自勵民為立祠吳澄記其事林志何槐孫天歷二年為宜黃縣尹吏事精敏處斷出人意表明能燭物吏不敢欺歲饑勸賑有法民懷其德明一統志

按林志槐孫字德孚蜀郡人嘗著善政指南一書又縣志曰字龍岡蒲圻人

秦起宗字元卿廣平深水縣人文宗朝為撫州路總管至官有司供帳甚盛問其費所從出小吏不敢隱曰借辦於民遂亟使歸之几席僅給而已自是官府僚佐有宴集成禮即止因諭眾曰我素農家安儉約務安靜庶使吾民化之居一歲以老去元史

馮驥字致遠遼西人任撫州路總管不事計察務全大體至

正甲申乙酉歲饑煮粥以給餓者復請於朝得鈔五十萬錠賑之又勸貸富室以補不足民賴全活林志

李庭柱明初丙午年知撫州兵革之餘勤力撫治吏畏其法民懷其德明一統志

李敏潁州人洪武初任撫州知府守廉燭理雖庶務繁劇而決之如流同上

游欽祖字君卿曹州人洪武元年以賢良舉知崇仁縣嚴敏峭直吏不敢欺時版籍未明稅田佃輸有一戶應數十戶里甲者乃造青黃兩冊歸併之幾半載食不離廳事田糧既明民無重困豫章書

吳思名淮西人洪武初知臨川縣時百姓流移田野未闢思江西通志卷六十二名宦

名招撫安集均平稅役期年復業者數千餘家民間子弟八歲者俱令入學教養兼舉甚有政聲府志

馬文璧紹興人洪武五年知撫州府學博才敏為政知大體辨決無滯豈弟慈祥民深德之尤長於詩文時稱文章太守明一統志

許傑紹興人洪武間知撫州府廉正明敏設施布置皆有法度扶善鋤惡發姦摘伏如神民畏而德之同上

潘至善浦城人洪武中知撫州府疾惡愛民禮賢好士當入覲而樂安秋糧未足惻然曰吾寧負後期之責不忍民受通租之罰於是民爭出布帛銀鈔易粟以輸不一月數年之逋盡完林志

時季照慈谿人洪武中以訓導擢御史尋知崇仁縣嚴而不

猛尤善獎勵士類在任十年始終一節陞四川按察僉事有夢墨彙傳於世豫章書

門時中太平府當塗縣人以賢良舉知崇仁縣兵革之餘閭閻凋瘵招徠撫綏民漸甦息又造黃洲橋興學校立綱陳紀邑治更新崇仁縣志

錢魯南廣德州人洪武三十三年知東鄉時兵戈雖息然邑多巨族驕悍如故魯南律已無私躬勤儉敦禮義以倡之民懷其德彬彬向化安志

劉平翼城人洪武間以人才舉授宜黃知縣負擔至任廉介寡合政聲日起及職滿歸邑人爭送之平曰昔負擔來今負擔去宜也何用送為永樂三年賜勅以原官起用不就山西通志

江西通志 卷六十二名宦

盧廷俊字彥俊淳安人永樂中鄉薦為都昌知縣改臨川時有饒姓女字唐姓未歸私於人一日婿至女家殺之而匿其尸廷俊欲雪其冤翌日廷有烏鳴甚哀祝曰得非死者訴冤乎果爾宜前導鳥即飛而前使人尾至深谷中乃得尸女家服罪咸頌其神浙江通志

方琛字廷獻歸安人以利第入仕五遷而知崇仁所至以清白稱為人外寬內明臨事不苟治民有方修學宮修山川社稷邑屬壇壝以至城隍廟上司行署養濟院黃洲橋靡不修葺復更立區分以便科徵又奏免糧稅折色以寬逋自闔邑欣戴縣志

按豫章書永樂中任崇仁縣籍民為九等量貧富以科邑無恒產者惟以折色貿易準辦賦稅率多逋負奏請

從民便賦之民嘉賴焉

王昇字日初龍溪人宣德初擇廷臣二十五人為郡守奉勅以行昇以大理寺正出知撫州府以政績著在郡九載以部民乞留增秩還任以疾卒白志

潘原清巴陵人宣德七年由吏負任崇仁縣丞寬猛適宜修新梓二陂以通水利九載考成邑人士詣大吏乞留陞本縣知縣安志

孫亶餘姚人正統六年舉賢良方正知金谿縣奏減水潦荒田秋糧興利除弊俱悉心為之惠多及民又繕完忠臣孝女廟凡淫祠悉罷之林志

謝斌宣城人正統末任撫州府同知樂安草寇竊發民多逃竄斌設法捕獲罪為首者貸其從招復逃遺各安井里人

江西通志 卷六十二 名宦

宋彬開封人正統間任崇仁縣令舊無起運時藩司驟派南京倉米民不堪命彬具疏奏請改納折色命下之日歡聲如雷安志

潘亮宜興人天順間樂安縣丞剛直廉明吏民畏服在任八年及歸行李蕭索囊殮不繼士民憐之醵金以助祀名宦縣志

王宇字仲宏祥符人童丕時日記萬言正統進士授南京戶部主事特用為撫州知府為政簡靜而鋤強過姦凜不可犯一府大治天順元年所司上其治行詔賜誥命旌異擢山東右布政使累官大理卿白志

按豫章書宇在郡治後有魚池十數畝前守皆畜魚自

給宇以魚利易粟實倉儲致數萬斛宜黃有虎害作文告神虎皆遁金谿有聚盜暴掠發廩賑之眾皆感泣請命藩臬書績曰刺繁治劇才識有餘清白操持纖毫無玷見利若將浼已尤耽經籍手不釋卷云云原跋

林元美本名璆以字行閩縣人永樂進士天順元年任撫州知府忠謹淳慤弟慈祥以廉靜鎮浮俗徵士吳與弼嘗往拜其門獻金井水玉壺冰六字以況其清節林志

按福建通志元美之子翰正德間南兵部尚書忤逆瑾去官孫庭梯嘉靖間為江西叅政創修通志後歷工部尚書三世皆清德人望云

趙亮字文輝亳縣人景泰間以慶雲縣典史入覲賜襲衣寶鈔宴禮部陞崇仁知縣修廢舉陞境內以治都御史韓雍

江西通志 卷六十二 名宦

列剡薦之豫章書 張睿字思微濟寧人成化間通判撫州妻不曳帛子不挾纊廉慎之操終始如一官九載終於任囊無棺衾之貲同上

瞿俊常熟人成化進士知崇仁縣性剛明嚴於嫉惡豪右虛詭錢糧者每發其弊籍其產於官邑有上方觀最富費侈靡請分其田於鄉民歲收租以備賑濟更創便民倉積穀十餘萬民深賴焉林志

陸廣秀水人成化間知撫州謹法度重然諾不興造不擾民事有當為雖利害不卹事有戾志雖監司不能移明一統志

周瑛字梁石莆田人成化進士知撫州府有善績尤勵清節歷四川右布政以母喪歸服除引年致仕孝宗嘉之詔進

一階年八十七卒瑛與陳獻章友獻章之學主於靜瑛以居敬為主學者稱翠渠先生白志

曹暘字元潔吳縣人成化進士任撫州推官每訊鞫必使兩造務得其情誣獄賴以平反良善因得安業林志

陳輝上虞人成化十六年任撫州同知為政明達勤敏臨川孔家橋崇仁黃州橋圮皆節羨修之不勞民力同上

包裕桂林人成化進士任撫州府推官仁恕公廉郡無冤獄時稱為小包公明一統志

王昶靈璧人成化丙戌進士知樂安縣欲毀淫祠適有火患民懼不敢毀昶乃自往碎其妖神火患遂息值歲凶以便宜發粟賑濟擢御史疏攻李孜省著直聲終太僕少卿江南通志

江南通志

卷六十二 名宦

三

張西銘字希載臨安寧州人成化進士知金谿縣多豪猾下車致其尤者庭誨之人皆感化會撫州饑諸屬多盜獨

金谿人相戒勿為竊有虎啖人蝗食稼為文禱於神患遂息擢御史雲南通志

葉天爵婺源人由進士宏治間任崇仁知縣剛明勤慎摘伏如神崇尚鄉賢興復水利又新寶唐書院民思之林志

陳文試長樂人宏治進士知臨川縣剛明疾惡剖決如流豪俠武斷或居停盜賊者得即寘諸重典請託不能移威惠並流盜賊屏息安志

三貴字良之台州人由進士宏治十一年知宜黃縣為政務持大體開釋小過會崇仁令分撥准允力言於巡撫林俊得連輕責舊例民咸德之同上

方進婺源人宏治末任崇仁縣寬嚴得體吏戢民懷尤精於藻鑑正德丁卯鄉試豫製匾額三曰今科領薦必劉最劉寓與周禧也榜發果如其言人至今稱之府志

陳世良臨海人由進士宏治間知宜黃縣明敏爽豁得寬猛之宜重新縣治凡靈役匪類皆揭名屏間其人皆匿不敢見擢御史安志

劉介字師惠宏治癸丑進士歷吏部諸曹郎清芑莖整夙弊出守撫州治有美政撫多商販引價府吏以舊留三分之一白介叱勿留人服其廉會逆瑾黨人李璫大索江西諸

郡介獨不應深銜之然終無以中傷尋陞太常寺少卿請終養後復補南京日與羅圭峯論議倡和致政歸竭力事親收恤宗族孤嫠者撫養之陝西通志

江西通志

卷六十二 名宦

十四

祝鰲號東田海寧人宏治舉人恢奇負經濟才知崇仁縣立身廉潔御下威惠相濟能得人死力逆知宸濠有異志治兵器完府庫若為他盜備者濠反鰲乃狗於眾曰宸濠蓄逆心久矣然性躁才疎其下多羣盜無紀律不足畏也立襄戎事卒摧逆濠事定以功當遷遠拂衣歸浙江通志

龍誥攸縣人正德戊辰進士知臨川界東鄉積盜難平誥諭賊降之陞戶部主事進郎中督賦江西疏免逋負守廬州拯饑民疏罷馬價茶芽諸稅其所酌常平濟糴諸法疏聞上嘉之著為令以養病歸卒著有東州奏議廬陽荒政錄諭民直言湖廣通志

穆世傑涇陽人正德七年知樂安縣汀贛流寇攻縣世傑奉檄擒斬首惡已而以興學育才為務於是大成殿講堂煥

陶諤會稽人由舉人正德十二年知樂安縣時峒賊陳希聰

等陰附粵寇為不軌諤計擒之會宸濠叛虔撫王守仁檄

諤領兵助勦有功為忌者論罷輿論憤之府志

黃堂字居正高郵人正德中由監生授新建丞當路以其能

薦知東鄉兵燹之後創設縣治城池署宇百爾具作夙興

夜寐勤於調度逆藩構亂遣內豎勾引東鄉餘孽堂以計

誘致其渠戮之地方克靖用巡按薦進秩寧州知州仍治

東鄉凡九年安志

李鳳崑山人正德間為金谿典史十四年宸濠反東鄉遺孽

煽動復起流劫鳳崑任甫月餘奮勇倡義率民兵出禦之

或沮之曰賊鋒甚銳出無全理鳳曰吾職在捕賊敢坐視

江南通志 卷六十二 名宦

乎遂赴敵死之金谿志

廖希元藍山人正德進士由祁門令改宜黃以好生為心下

車即開死囚失入之罪朔望詣學與諸生切劘邑有虎密

禱於城隍即日遁去府志

項喬字遷之永嘉人嘉靖丙申知撫州初下令曰天下患無

好官員不患無好百姓凡有利當興有害當除一一相告

吾為爾罷行之調六邑生徒親加較閱品其文行以相勗

勵遷寶應廢寺為學去任後民咸思之府志

曾汝檀漳平人嘉靖中知撫州清潔自守精談名理表章吳

文正書行鄉約法歲時集郡邑弟子於擬峴臺講論邵魯

之業化行俗美調安慶守去安志

彭霖字仲和茶陵人嘉靖中撫州司理聽斷大獄多所平反

郡築金堤議斂富民錢家力爭之召入廷評官至都運周

周相字大卿鄞縣人嘉靖進士授臨川令廉明有威徭自

書片紙揭之壁百姓應期而集一切浮費剗削殆盡遷令

東鄉民習聞臨川之政不令而行盜賊匿處民間者廉得

悉誅之姦豪股栗犬不夜吠累官都御史府志

徐鼎漳浦人嘉靖進士授臨川令邑有稅而無田者民多流

去惻然傷之為核減數十石公私耗費概行減省奏最擢

給事中安志

蔣夢龍長洲人嘉靖進士授臨川令邑被寇掠加意撫循條

陳均役之法開府劉公是其議令各屬俱遵行邑多逋賦

盡歸猾手裁制以法令民自輸至今便之豫章書

江南通志 卷六十二 名宦

程秀民西安人嘉靖進士授金谿令温厚醞藉所作條教吏

民咸便建象山書院置學田以給廩餼邑隣安東盜賊盤

踞得盜牛者覆以其皮暴之日中邑人震慄父老言治金

谿者莫之能及安志

黃日敬莆田人嘉靖進士授崇仁令古道自持值早躬禱於

山川尋甘雨立沛黃洲橋圯俸祿所餘盡以修之坊里公

費盡行栽革丁內艱歸至鬻婢以為資斧崇仁志

楊准桂林人嘉靖間由舉人任宜黃令值建城版築雷動民

不知勞又開泮池以制北山諸然士民思之府志

顧中孚華亭人嘉靖間任崇仁縣清慎嚴明懲積歇禁蠹胥

境內肅然躬先淡泊設窩舖於門外令鄉民來輸納者便

居之清冊籍飛詭民無偏累崇仁志

俞世美宣平人嘉靖間由選貢任宜黃令敦教化飭學宮養貧恤孤建城隍廟樂橋皆政績之可紀者府志

胡鰲沅陵人嘉靖進士任樂安縣治行卓異做古木鐸意設立社學以興起斯文為已任常言學校人才所出當加意培養每單騎巡行阡陌詢民疾苦調吉水令民號泣不忍其去樂安志

田膏彭縣人嘉靖間任樂安主簿遇害敢為聞憲警塚捐俸募死士以待之及定馬先驅力為捍禦民賴以安

蔡結中國疑人嘉靖進士援東鄉縣嚴明果斤

曠置各吏書侵者於法縣當衝迫供億維艱請於巡按派鄰封協濟民甚使之東鄉志

江西通志卷六十二名宦

李琪永康人嘉靖中為東鄉教諭嘗受業於王文成講明良知之學提學巡撫聘主崇正講會列郡人士咸師事之所著有質疑錄東溪語錄同上

林潤字九霖莆田人為臨川令嘉靖三十六年丁巳奉檄查盤建昌南豐縣適閩廣寇至民皆逃竄紳士懇留共守潤竭力拒禦凡七晝夜殺賊首二人賊知不可破遁去南豐父老祠祀之建昌府志

解宋泰興人嘉靖進士隆慶二年以給諫直言出為撫州推官故事讞決外鮮與民事者宋諮訪疾苦知無不為暇與諸生談說經義倡興後學累官至布政使安志

張汝濟江陵人隆慶進士令臨川妙齡而有卓識廉明細

愛民如子推較人士常若不及邑有盜賊盡窮其根株黨

與而鋤去之境內肅然遷吏部郎累官至巡撫同上

張慕渠長洲人隆慶三年任宜黃令禁止歌舞猥偷盛麗之習發姦摘伏凜如神明舊庫解有鼠千百成羣白日公出慕渠焚檄責神自後屏息同上

葉逢春餘姚人隆慶三年由鄉貢任撫州通判居官廉靜一為矯激雅好作興士類署樂安縣修復鰲溪書院清蒙民隱占學田三百餘畝士論稱之府志

唐本堯上海人隆慶進士任金谿縣廉明練達尤善文章時條鞭法新行他邑尚觀望疑阻本堯堅守之分毫不擾民咸德之暇日進諸生課藝一時文體丕變科日寔盛擢監察御史金谿志

古之賢字士希梁山人萬歷五年以戶部郎出守撫州募工築千金堤民便之年少精吏治上計時治行冠江右安志

諸大倫號白川餘姚人萬歷八年由兵科給事謫知東鄉廉能仁愛民苦虛糧賠累大倫力請丈量田畝既平隱占悉清修費舍建義學纂輯縣志興廢舉墜民為立祠祀之東鄉志

蘇字庶晉江人萬歷進士知撫州府興學課士設法救荒清寺田築文昌橋禁革舊稅以最聞調繁南昌府志

陸大受字凝遠武進人萬歷進士授行人屢遷戶部郎中張差事發大受抗疏言青宮何地張差何人敢白晝持梃直犯儲譚比乾坤何等時耶君側藏姦上下蒙蔽皆由陛下精神偏注彼宦寺者安得不妄生測度不報尋出為撫州府以清節著聞白志

陸大受字凝遠武進人萬歷進士授行人屢遷戶部郎中張差事發大受抗疏言青宮何地張差何人敢白晝持梃直犯儲譚比乾坤何等時耶君側藏姦上下蒙蔽皆由陛下精神偏注彼宦寺者安得不妄生測度不報尋出為撫州府以清節著聞白志

陸大受字凝遠武進人萬歷進士授行人屢遷戶部郎中張差事發大受抗疏言青宮何地張差何人敢白晝持梃直犯儲譚比乾坤何等時耶君側藏姦上下蒙蔽皆由陛下精神偏注彼宦寺者安得不妄生測度不報尋出為撫州府以清節著聞白志

陸大受字凝遠武進人萬歷進士授行人屢遷戶部郎中張差事發大受抗疏言青宮何地張差何人敢白晝持梃直犯儲譚比乾坤何等時耶君側藏姦上下蒙蔽皆由陛下精神偏注彼宦寺者安得不妄生測度不報尋出為撫州府以清節著聞白志

陸大受字凝遠武進人萬歷進士授行人屢遷戶部郎中張差事發大受抗疏言青宮何地張差何人敢白晝持梃直犯儲譚比乾坤何等時耶君側藏姦上下蒙蔽皆由陛下精神偏注彼宦寺者安得不妄生測度不報尋出為撫州府以清節著聞白志

陸大受字凝遠武進人萬歷進士授行人屢遷戶部郎中張差事發大受抗疏言青宮何地張差何人敢白晝持梃直犯儲譚比乾坤何等時耶君側藏姦上下蒙蔽皆由陛下精神偏注彼宦寺者安得不妄生測度不報尋出為撫州府以清節著聞白志

陸大受字凝遠武進人萬歷進士授行人屢遷戶部郎中張差事發大受抗疏言青宮何地張差何人敢白晝持梃直犯儲譚比乾坤何等時耶君側藏姦上下蒙蔽皆由陛下精神偏注彼宦寺者安得不妄生測度不報尋出為撫州府以清節著聞白志

游日章字學編莆田人進士知臨川有巨猾帥姓者武斷於

鄉下車即捕之流賊至禦之有方開城納逃難百姓并力

扞守賊遁去擢刑部主事晉郎中福建通志

劉炳海鹽人進士初知金谿馭下有體為令五年絕寡言笑

左右股慄尤注意文學道德之士後再以南工部郎出守

撫州治行如一民至今思之安志

劉允昌字燕及桐城人萬歷進士初知宜黃縣最調臨川明

敏剛決果於任事犯者雖貴尊子弟必真於法勤課士類

凡所類小有類小

周嘉用法

晏用法

應仍梓其人為其謝兩立

江西通志卷六十二

陳璚晉江人萬歷乙未第五人令崇仁醇厚清潔通邑田賦

尺籍手自較覆革總算攬頭諸蠹弊逋欠頓清禁侈崇儉

戶不夜鍵朔望率父老子弟講讀鄉約最調錢塘百姓泣

留不可得家為位以祀之同上

蔣良鼎武進人萬歷進士知樂安縣一僕一記室相隨行李

蕭然為人慈和豈弟父老得不時晉謁陳說疾苦時有大

量之役躬親履畝行烈日中未嘗張蓋無異家人父子五

越月卒年任百姓哀思至今廟祀同上

李登字士龍上元人萬歷四年為崇仁教諭立課文講學二

會課則手自點評講則隨機導引甫半載士風丕變邑有

靈胥肆侮貧士走愬于令令庇胥登以關於直指執蠹胥

愆之自是士氣稍振著有類學編及寶塘語略同上

秦丹高郵人萬歷間由鄉貢任撫州府通判矯卓不羣三署

印皆分毫不染所歷皆有聲一日視廳事置筆几上奄忽

而逝署中僅一老僕笈中惟遺銀四兩合郡哀之府志

王永寧烏程人萬歷進士授臨川令行履畝法墾田定賦吏

不得賡緣為姦修城興學皆有實政擢南駕部郎同上

朱錦餘姚人萬歷進士知金谿縣時方多盜錦冒矢石入賊

窩擒其渠魁寘之法民賴以安作人愛士衡鑿尤精金谿

志

洪應科定海人萬歷間由舉人任宜黃縣約已愛民精算數

自錙銖至鉅萬一指掌間猾吏無敢欺者亦工形家言捐

俸首倡建塔百花洲上以為文峰在任五年陞成都府通

判宜黃志

江西通志卷六十二名宦

盛世翼桐城人萬歷進士任樂安縣戊子歲大饑首捐俸賑

之親至各鄉勸義得助千石者六家數百石者無算民賴

以生修學均徭一清如水百姓至今思之樂安志

崔奇觀番禺人天啓進士為金谿令舊有通邑河船例稅積

三年當二百餘金久為姦胥乾沒奇觀廉實清出復得應

沒官田益以俸薪置田二百畝歲收租以供諸生卷資勸

駕之需著為令府志

余鷗翔字誕北辰溪人天啓進士任金谿縣散吏朋黨為姦

者悉除之許灣為商賈舟車所聚姦宄叢生大盜窩臨川

界踪跡甚秘鷗翔設計偽出水次黎明直抵盜室獲之於

寢時以為神歷官至徽寧道以殉難死金谿志

張采字受先太倉人崇禎進士授臨川知縣振興古學與陳

際泰艾南英諸子昌明古學尊尚名教臨士爭願出其門
自奉甚薄視民如子斷獄片言立判未幾乞歸去之日民
焚香泣送之府志

郭齊雲武陵人崇禎時由舉人知樂安縣興革敢決賊寇竄
發力勦滅之捐金三百五十兩倡修城垣經理周密巡
不懈數月功成七載清操歌頌不敷安志

胥自修江寧人崇禎時知宜黃縣忠信廉明執法不撓邑有
巨憝交通府道司院衙門相倚為奸串訪告訐紳衿無敢
犯者修廉得其實執置之法一時豪猾斂跡同上

尹文煒金華人崇禎丁丑進士宰金谿簡默廉恕情有可原
雖笮獨不忍苛法所不貸雖權貴不敢撓在任二年頌聲
日起以狷潔寡合告歸同上

鮑之祥字若孩麻城人崇禎進士知臨川縣時軍興加派祥
不忍鞭扑涕泣勸諭值編審召里長集庭下面均徭役吏
不敢欺疏布白奉如寒士妻在署自織以衣以疾乞歸府志

黃克嘉廬州合肥人官江西湖東守備駐撫州甲申七月福
建閩羅朱三家賊流入磁龜官兵合勦克嘉斬獲獨多馬
蹶被害將死捋其鬚語賊曰毋令血污吾鬚賊亦壯之忠

孫世蓋字丹臺興縣人工文而勇精騎射順治初知崇仁縣
大盜羅漢七聚眾萬餘前令將勦之謀世遇害世蓋至念
縣中人皆通盜無可共事者獨與其僕密謀而陰厚一總

孟某暨警捷吏乃佯怯請降誘羅至某鎮面計事及期羅
率眾二千駐鎮外偕其黨吳某暨校三十八鎮世蓋設廣
筵宴校廳外迎羅吳於廳命千總解刀勸飲飲極歡復移
尊於圍世蓋揮僕曰吾與將軍有密言爾曹不得聞攜漢
七入圍遠梓之仆地吳拔刀千總亦自後梓仆之既縛二
賊乃名驚捷吏授以弓絃曰吾出勸三十人酒竣吾擲杯
彼必仰觀汝即以絃扼其喉如法縛二十五人而故逸其
五語之曰汝第往吾兵隨至也明日率鄉勇擣賊巢則二
千人悉遁矣事平撫按議薦以老力請歸山西通志

江西通志

卷六十二 名宦

五

江西通志

卷六十二 名宦

五

謝應璜字皇黼蒲圻人舉人知崇仁縣前令多敗遺累後人
璜以一歲疏六年逋負又劇盜積年為害璜單騎入其壘
披心撫諭咸稽首受撫調滇南河西卒於官湖廣通志

王世靈字春如鹽城人順治丁亥進士任宜黃縣時山寇擾
邑世靈力為捍守後單騎入寇壘諭以大義眾皆懾服招
流亡勤撫字捐修學宮邑人思之宜黃志

汪基遠字星伯黃岡人順治己丑進士七年知東鄉縣金聲
桓叛後所在嘯聚甫任兩月值土寇吳君寵攻城親督兵
出戰死之後令曹可大狀其事

贈按察司僉事陰一子安志
石大品字畧叟太康人由貢生順治十年知金谿縣懲茲剔
盡豪強絕跡禱雨輒應民建誰力亭於城北以紀其事金谿志

魯鑣字感人康熙庚戌進士任東鄉令修文廟建公署修城
樓及養濟院許灣水次倉民甚德之東鄉志

建昌府

唐

王昕廣德初南城令建客館新亭獨孤及記之云凡底績以興翁革故以謀始修理以備物俾功以成務皆政之大者少克能之林志

游氏洪字簡之崇仁人開元中南豐令恩威並行截溪水為

五陂溉田四千餘頃又鑿石渠以溉枯田嘗曰古人以人

心為城吾以人情為田迄今民祠祀之明一統志

獨孤及字至之洛陽人寶應初南豐令為政簡靜暇則以琴

書自怡聞長安失守作詩寄所親藹然忠義之氣性孝友

其為文彰明善惡長於論議後知饒州豫章書

南唐

江西通志

卷六十二 名宦

圭

李崇瞻權建武軍制置公事值建軍之始料理有方興建有

制百廢修舉時稱其賢能云林志

陳守忠建武軍使敬賢禮士寬稅省刑田野闢學校修操練

軍士調戍有次漕運有程民不知擾而事集同上

按馬令南唐書崇瞻守忠俱無傳莅事歲月各志均失

考又陳守忠安志作守志李崇瞻安志府志俱作崇瞻

宋

王博文字仲明曹州人咸平間南豐令為政平恕常語子曰

平生決罪至流刑未嘗不陰擇善水土處汝曹志之林志

按林志載宋名宦有盛公者失其名景德二年以屯田

員外郎直史館知建昌軍明以肅令寬以濟民以簡易

煩以敏治事污萊盡闢獄市自清又有孫寺丞者亦失

其名天聖中為南城令李泰伯嘗為文稱之云民之瘡

痍洗刷鉞瘵吏之宿賦奪諸其懷縮敝衣食菜飲水晨

而出暮不敢休與赤子為父母貪人侈婦之所竊笑守

道君子嗟嘆之不暇又徐殿丞亦失其名亦嘗為令南

城李泰伯有贈行詩原跋

江鶴開元人寶元初知建昌軍聽斷有方不惑羣議新橋梁

薄征稅擊豪褫弊凝重若山林志

慎鉞康定初知建昌軍治尚大體明而不苛威惠並行民咸

戴之明一統志

周旻字夢臣慶歷初南城主簿取豪猾一二人繩以法餘皆

斂跡不敢犯為人和平簡易於政亦然及至有所必行人

亦不能及也曾南豐撰墓志

江西通志

卷六十二 名宦

圭

曹觀皇祐初知建昌軍李泰伯送之詩曰要知賢者善居官

法自嚴明性自寬黠吏欲欺難作計愚民初懼久方安獄

詞大小情皆見市物公私價一般農力不聞供土木窮閭

猶得免饑寒則其政可知矣豫章書

李秬臨邛人元豐中為南城令政平訟理呂南公灌園美之

以詩云不馳幹吏擾租輸更秉公心憫鹽課明一統志

陳繹元豐中以翰林學士出知建昌軍賓禮郡人呂南公為

諸儒倡每謂人曰吾不以左官為不可意而榮於得灌園

先生同上

按宋史繹字和叔開封人中進士第以龍圖閣待制貶

建昌軍

管師仁字元善處州人中進士第為廣親睦親宅教授通判

澧州知建昌軍有善政擢右正言 宋史

按明一統志師仁紹聖中知建昌軍力行教化表彰行義人戴其德為立生祠

楊傑字次公無為人少有名於時舉進士為南豐令期年政事修舉縣之射圃生芝草人以為善政之應郡守率僚屬賦詩美之 林志

按宋史本傳言傑官太常者數任一時禮樂之事皆與討論不載令南豐事

丁琰姑蘇人元符初為南城尉曾南豐嘗稱之曰丁君之佐邑人無不樂道之者余每觀良吏一傳反覆愛之如丁君之信於其邑於余傍近邑之所未見故愛之特深 豫章書

盧知原字行之德清人元符二年為南城尉以材見稱不曠江西通志 卷六十二 名宦 五

其職 宋史

按林志稱南城余家渡遇春水泛漲不可以舟民病之知原設橋以通往來至今號盧公橋

蘇緘字宣甫晉江人紹興初為南城令歲凶里中藏粟者固閉以待價緘籍得其數先發常平穀定中價糶於民揭榜於道曰某家有粟幾何令民用價糶有不從者撻於市以是民無艱食 明一統志

承敷吳興人紹興中為廣昌令寬和好禮首建學校以興賢才推誠勞來民樂從之 林志

趙公旦汴人紹興初南城令剛果有為去惡如讐愛民如子創建學校民為立祠頌其德 明一統志

胡舜舉紹興中知建昌軍政行俗變百廢俱興作吁江志為

治本於忠恕教化興行彬彬乎有古循吏風 林志

崔與之紹興中為新城令歲值大歉有強發民廩者執其首折手足以徇盜風乃止勸分有法貧富安之 府志

趙公輔河南人紹興中以南城丞攝新城令政尚寬和不用鞭扑推誠勞來民樂從其令陳孔休為撰縣治記云曾未幾載而困囹屢空盜賊不禁而息租賦不督而辨 林志

曹進之未陽人嘉泰初為廣昌令周益公為撰學記云金芝產解中嘉禾生於野人以為政化所感 豫章書

楊應廉字介叔廬陵人紹定中以南城尉辟令邑遭寇燬多饑饉重兵屯戍應廉究心荒政酬應有方軍無乏餉民不告病更創公解新學宮至今人稱之 南豐志

陳琥字少嚴連江人寶祐初南豐令臨政惟痛繩羣吏常曰江西通志 卷六十二 名宦 五

民不得安者吏為之蠹也取巨猾吏斷手足以令於是羣吏股栗百姓歡呼有問之者曰公以恕齋自號而竟不怒何也對曰吾恕於民耳吏可怒乎識者以為名言 林志

曾楚開慶初知建昌軍經明行修以儒飾吏修築城池勅立坊牌重建吁江書院以育生徒增葺吁江志時論稱之 林志

按建昌府志楚知建昌軍在寶祐六年慶弇字仲昭富陽人開慶中知建昌軍民詞數千立剖決皆洞見其情蠲未催苗三千餘石豪族有誣民為盜者獄已具弇直之武斷之民遂戢歲旱露禱曰願降罰守臣毋流

災百姓天大雨 黃氏曰錄

饒應孫景定初知建昌軍嘗修學校及龜湖橋建御書閣吁

江書院置祭器立鳳山等寨刊四朝名臣錄庶政畢舉時稱其仁林志

方演孫莆陽人咸淳初知建昌軍以鹽酒息鐵錢代納民稅於街道橋梁無不修葺而民不告勞政化大行豫章書

楊林字山立温州人咸淳中攝南豐令時邑遭寇毀林至殲其渠魁掃其巢穴招集流離葺理屢市百廢具興諸臺奏最有旨再任士民安之林志

趙仁政山東人至元中建昌總管首興學校振作士習選吏勸農修城東橋以免病涉民甚便之明一統志

李忙古歹字叔信交河人至元間南豐縣初歸附尋以寇燬古歹建置如初閩寇突至百姓扶攜匿村落凡七日無一江西通志 卷六十二 名宦 壬

人從亂者後討捕兵至謂邑民多脅民咸謂必死古歹挺身垂涕明百姓不叛闔城獲免民感而祀之林志

夏瓊字振玉德陽人至元中為建昌守剽繁治劇庭無弊政莅事嚴明吏民畏服遠近稱之明一統志

胡長孺字汲仲婺州永康人至元二十五年拜集賢修撰與宰相語不合改教授揚州元貞元年移建昌適錄事缺官移長孺攝之程文海方貴顯其家氣焰熏灼即違法人不敢呵問其樹外門侵官道長孺亟命撤之至大元年轉台州路寧海縣主簿元史

聶從政字伯遠大德中南豐守巡行境內必自齋糧清苦而能持久夙興晏罷修水利盡地力早饑有備明一統志

王暄汴人延祐中新城尹莅政廉敏官租職田荒瘠奏減輕

齋立通濟橋歲歉賑濟復立義倉修築堤防免南津水患府志

薩德彌泰定間為建昌守吳文正澄建昌路學記稱其治政既優教事尤虔歷任風憲廉聲著於遠近今為民父母有治有教其善可書也豫章書

明 梁伯達平陽人洪武中建昌同知志尚忠誠而宣以威信遇早誠禱隨獲沾足郡有黨延等為害伯達嚴治之強暴屏伏林志

林永齡候官人洪武初廣昌知縣在官清慎蕭然如布衣愛民如子惟恐失所民亦愛之如父母明一統志

張文琮臨海人洪武間新城知縣持已廉慎歲大饑不待請報輒發粟以賑遇早齋戒禱雨輒應邑人賴之同上

江西通志 卷六十二 名宦 壬 馮堅洪武中為南豐典史上書言九事一曰養聖躬二曰擇老成三曰攘要荒四曰勵有司五曰褒祀典六曰省宦寺七曰易邊將八曰訪吏治九曰增關防書奏帝覽而嘉之擢堅左僉都御史白志

按南豐縣志堅字公白南通州人在邑除積年民害周福一等請旌節婦謝勝華妻朱氏葺學宮崇節義賦役均平民無爭訟書獄空二字懸之囹圄今南豐尉廳屏牆畫獬豸蓋以堅故也原跋

李駉字景儀唐縣人洪武間以御史不阿忤臺長左遷廣昌典史初至即取豪民強橫者十餘人繩之法眾皆怙然附

志

于潛鄆陵人永樂七年知建昌府性廉介不避權豪待吏卒甚嚴撫黎庶以恩不踰年政平訟理郡人懷之明一統志

盧坦巴陵人永樂間南城知縣剛果善斷庶事畢集時閩寇攻劫鄉村坦率兵勦捕無遺縣境翕然服其恩威同上

陳鼎字重器新興人宣德初知建昌府時民多桀驁鼎至治最强者十餘人始知畏法布教條施德意而郡內治荆府內豎蕭韶擅作威福鼎置之法於是官校斂衽四境晏然

豫章書

衡岳汝寧人宣德中以西安知府請戍交趾尋薦授南豐知

縣清操介然不以顛仆易節存心制行動以古循良為法

興學校課農桑省刑罰拒請託官舍蕭條種蔬自給家人

有愠色岳曰不猶愈於謫戍時乎自後家人晏如歷官數

江西通志

卷六十二 名宦

三

十年操若冰玉何文淵薦於朝擢桂林知府南豐志

陳員韜臨海人宣德進士授新城知縣撫循備至得士民心

白志

按林志引羅一峰集云建昌屬邑四令宜其民者百年

吾得二人焉南豐衡君岳新城陳君員韜民到於今稱

之京跋

黎忠江夏人正統中建昌推官闕寇攻陷鄰境忠選驍勇屢

出奇謀以摧賊鋒議者謂非忠則生民罹害不可勝言尋

以功陞本府知府林志

楊清正統末建昌所千戶閩寇煽亂廣昌告急清統兵勦襲

頻行以鳳仙花漆足指謂家人曰他日尋吾屍以此為識

後與敵戰果死之竟獲其屍豫章書

馮誼字純理濟寧人宣德間建昌知府廉明公恕吏畏民懷絕請託革奸弊平徭役雪冤滯興學校厚風化振綱紀修廢墜安志

陳陞靜海人景泰中知南城縣性剛介人不敢干以私家賓

於游治民商游者必過其門不敢入其廬竟未能齎一私

書以見亦未嘗挾一物至家人以是益憚之天順時考

績入京疏時政上命議行豫章書

陳勉建德人景泰中知南豐縣招逃遺卹窮困鋤豪猾扶良

善百廢具舉政聲大著未三載以憂去民歌之曰大尹陳

政事新抑豪強撫良民男耕女織歌陽春南豐志

王儀常熟人景泰中由御史謫南豐典史葺浮橋砌江岸重

修儒學外圃解舍勸率好義民不知費天順元年陞三河

江西通志

卷六十二 名宦

三

知縣府志

謝士元字仲仁長樂人景泰進士天順七年擢建昌知府地

多盜為軍將所庇士元以他事持軍將姦發輒得民懷券

訟田宅士元叱曰偽也券今式而所訟乃二十年事民驚

服訟為衰止治最改知廣信永豐有銀礦處州民盜發至

數千人將士憚其驍獷不敢勦士元勒兵趨之賊遮刺士

元傷左股裹創力戰獲其魁塞礦穴而還入覲改永平任

至右副都御史白志

按安志士元在建昌府大新學宮作樂器祭器行射禮

購書萬卷貯講堂中公暇課諸生習業遂講求民間利

病又作敦化勸學表忠三圖繫之以詩有兄弟訟田者

取圖詩曉譬諄切遂感泣相讓建李太伯祠表黃孝子

譚節婦之門惓惓以化民移俗為務云

李麟字文祥順天人成化中知建昌府性廉介家人無肉食者卒於官倒囊無鮮綺可殮止遺俸銀半錠民至今懷之

諫章書

秦慶字廷韶無錫人成化中知建昌府清慎有為文章政事

見稱於時首建南豐祠堂李東陽記之 林志

袁仕鳳東莞人成化間廣昌知縣廉介風厲摘伏如神鋤擊

豪強奸黨褫魄竄盜起禦之有方大書楹間曰一人有道

寧都子安敢西漁四境無虞廣昌人好勤東作 安志

高齊南內江人舉人宏治間南城知縣時營建益邸廣取軍

民屋址當道懼搖動南親為文記償價或有願易官地之

空者聽人心帖然興學校勤考課賑濟飢歎多所存活九

江西通志

卷六十二 名宦

五

載遷去瀕行之日老幼泣而送之 同上

曾輿字東玉瀘州人正德進士知建昌府宸濠之變輿集義

師會王守仁于鄱湖領兵合廣信知府周朝佐兵收復南

康善為詩所著有少岷存稿 明詩綜序

按安志曾輿博通羣籍善書法工古文詞作興儒行吁

士以文學知名者多輿所甄拔曝書亭詩話云王新建

定寧庶人之亂吉安府伍公文定固稱首功同時贛州

則當塗邢珣袁州則武邑徐璉臨江則臨海戴德孺饒

州則晉江林城廣信則閩周朝佐撫州則鄭陳槐建昌

則少岷也其師至雖有後先實同力共濟少岷有收復

南康功而不見錄纂修地志者皆沒其實故表出之

王祐祈縣人正德中知廣昌縣閩廣寇至民皆逃散勢絕援

孤乃引刀自刎其腹曰有城郭不能守何以生為左右驚奪其刀後以援至寇稍退越七日復突入祐倉皇赴敵死

林志

鄧俊字秀夫正德間建昌所千戶常備廣昌盜至掖去浹旬

不屈獲全歸焉姚源盜熾俊仍欲自效凡戰十數合皆利

既而俊馬陷泥淖中為盜所殺郡上其事優給其子 諫章書

蕭一中字執夫湖廣華容人正德進士十四年任新城知縣

先是歲編王府民校苦於應當或至破家一中請於臺改

銀輸僱遂著為令民以大甦南城妖民倡白蓮惑眾者將

啓亂一中以計擒之新學宮建橋堤清版籍節科索厚儲

畜至今賴之 府志

江西通志

卷六十二 名宦

五

張燦字景川順德人正德進士任廣昌知縣搏擊豪強表揚

先哲以氣節相崇尚辨雪冤獄弗顧成案遇寇倣率先登

城士氣為之大振 安志

余瑩字宗器婺源人由舉人正德十二年任廣昌縣當兵殘

邑瘵之後極力安集平里役招逃亡修城築壩功倍前人

節費愛民百姓懷之 廣昌志

羅江字孔殷雲南嵩明人正德進士任建昌推官性英爽嗜

義若不及簡易近人署南城縣訟獄不冤改省城水兌禁

軍校攔河革鹽鈔庫役卒於官士民哀之 安志

祝繼臯字師謨海寧人嘉靖進士授南豐知縣時派上清宮

夫役銀及鹽鈔九萬六千餘貫皆變賣廢寺代民解納又

總括徵輸各項數以便民至今謂之祝則欽取不赴投池